

Истиқбол қаҳрамонлари

**АБДУРАУФ
ФИТРАТ**

**ТАНЛАНГАН
АСАРЛАР**

III ЖИЛД

**ДРАМАЛАР,
ПУБЛИЦИСТИК МАҚОЛАЛАР**

ТОШКЕНТ «МАЊНАВИЯТ» 2003

Таҳрир ҳайъати:

Озод Шарафиддинов, Наим Каримов, Бегали Қосимов,
Дилором Алимова, Суннат Аҳмедов, Шуҳрат Ризаев

Атоқли ўзбек адаби Фитрат адабиёт, санъат ва илм-фаннинг турли соҳалариға оид бой мерос қолдирган. Ушбу жилдан адабнинг «Чин севиш», «Ҳинд ихтилолчилари», «Арслон» ва «Восеъ қўзголони» драмалари ҳамда истиқлол орзуси билан йўғрилган публицистик мақолалари ўрин олган.

Нашрга тайёрловчи ва изоҳлар муаллифи:
филология фанлари доктори,
профессор Ҳамидулла Болтабоев

Масъул муҳаррир: филология фанлари доктори,
профессор Бегали Қосимов

Ф 71

Фитрат Абдурауф.

Танланган асарлар: Ж. III. Драмалар, мақолалар / Таҳрир ҳайъати: О. Шарафиддинов, Н. Каримов, Д. Алимова ва бошқ.: Изоҳлар муаллифи: Ҳ. Болтабоев; Масъул муҳаррир: Б. Қосимов. — Т.: «Маънавият», 2003. — 256 б.

ББК 84 (5У)6

Ф 4702620204—31
M25(04)—02 16 — 02

© «Маънавият», 2003

ДРАМАТИК АСАРЛАР

ЧИН СЕВИШ

Ҳинд ихтилолчилари турмушидан олинган
5 изардали ишқий-ҳиссий фожиадир

КИМСАЛАР

Нуриддинхон — файласуф табиатли, 35 яшар ўқумиш(ли) бир йигит. (Ҳинднинг ўртаҳолли кишилариндан.)
Аҳмадхон — 25 яшар ўқумиш(ли) бир йигит (Нуриддиннинг иниси.)

Сарвархон — ўқумишили бир йигит (Нуриддиннинг ўртоғи.)
Зулайҳо — 16 яшар, ўқумиш(ли) бир қиз.
Фотимахоним — Зулайҳонинг онаси.
Каримбаххон — Зулайҳонинг отаси.
Зайнаб — хизматчи хотун.
Раҳматуллоҳхон — ўқумиш(ли) бир бойбача (25 яшар).
Вилям — инглиз юзбошиси.
Зиндончи, чериклар¹ юзбошилари.
Айюбхон, Шерхон, Ғуломҳайдар — Раҳматуллоҳхоннинг ўртоқлари.
Шукруллоҳ — Раҳматуллоҳхоннинг хизматкори.
Воқеа Ҳиндистоннинг Деҳли шаҳрида

БИРИНЧИ ПАРДА

Эрта билан Учмоҳ кўрунишли бир боғча. Ўртада узун бир мосонинг теграсинда ўрундиклар қўйулған. Оғоч тагинда қўйилған бир ўрундида Зулайҳо қизил ипакли бир кўйлак билан ўтурибдир. Қўлинда кичкина бир битик.

Зулайҳо. Кўб қизиқ ҳоллари бор шу Нуриддиннинг!..
Надир тангри? Бояқиши йигит тушунчадан айрилмоқда-
дир... ўйлайдир... ўйлайдир!.. Нечун ўйлайдир? Бошқалар
аби нечун кулиб ўйнамайдир? Дарди нима? Нима истай-
дир? Буларни тангридан бошқа ким биладир?..

Онам эсли бир хотундир. Бир кишини кўрдими, юра-
гинда яшурин бутун тушунчаларини онглаб олар. Бироқ
Нуриддинга келгач, онам даҳи шошиб қолади. Онамнинг
шитишига қараганда, Нуриддин бир кишини севган эмиш.
Шунинг хаёлига берилган эмиш... Кимни?.. Мана шуниси-
ни онам даҳи онгламай қолмиш!..

БИР ОЗ КУЛ³.

Йигит бизникига келадир... Нечун? Марҳум отасининг қалин ўртоги бўлған дадамни кўрмак учун келатургандир?! Бироқ отамга салом бериб, онамнинг қўлини ўпгандан кейин, бир ерда ўтурадир... ўтурадир... ўтурадир... Отам: «Қалайсан, ўғлим» дегач, куч билан «Тангрига шукур» дея оладир. Онам бу ҳолни кўриб: «Ўғлим, Нуриддин, бироз гапурсанг-чи? Нечун бунча қайфурин турасен?» дедими, иш битди. Икки кўзи икки булоқ каби вижирлаб ёш чиқарадир. Сонийким, бизга гапурмаслик учун деворға қарайдир. Ёлигини чиқариб кўзларини артгандан кейин ота-онамнинг қўлларини ўпид чиқиб кетадир. Бу ҳолдан онамнинг юраги эриб қоладир. Отамга қараб, мунгли бир товуш билан «Бечора йигит, дарди ёмон» дейди... Отам йиғлар бир товуш билан «Нима қиласай... дардини англатмаса... Дардини англасайдим, чорасига киришар эдим» деб жавоб қайтарадир. Лекин бу бечоранинг дардини ким онглар?.. Онамнинг сўзига қарафана, Нуриддин бир кишини севган эмиш... Кимни? Буни билиб бўлмайдир. (*Қўлини кўкрагига қўйиб.*) Тўғриси, меним-да юрагим шу йигитнинг ҳолига ёна бошлади. Унинг кўзёшларини кўриб, меним-да йиғловим келадир. Шунга ёношмоқ², гапурмак, дардини онглаб, кўнглини овутмоқ истарам, бироқ менга сира гапурмайдир!..

Үтган жума куни онам Зайнабни олиб ҳаммомга кетмишди. Уйда мен билан отам турар эдик. Нуриддин келди. Отам уни ёнимга қўйиб, жумъа намозига кетдилар. Мен вақтни ғанимат топиб, Нуриддинга ёндошдим, ҳолини сўрдим, гапурдим, бир нарса онглайлмадим. Тушунди, ўйлади, йиғлади. Мен ҳам чидай олмадим, йиғладим. Кўрдимки, бўлмайдир, сўзни бошқа тарафга кўчирдим: «Ўкуғали китобларингиз борми?» дедим. «Бор» деди. «Биронтасини менга берингиз» дедим. Шуни эшигтгач, кўзлари қоронғу кеча чақинлари каби ялтиллаб кетди. Шу сўзимдан бироз суюнганини сездим. Лекин яна эски ҳолига қайтиб қолди. Отам келгач, рухсат олиб кетди. Шу кундан бери юрагимда буюк бир армон туғилди. Ишқилиб, Нуриддинни севинтиրмак фикрига тушдим.

Тунов куни шу китобни берди. (*Китобнинг бир мақоласини очиб.*) Мана шу ерда бир шеър ёзилмиш. Ўтли бир шеър ўкуғанча, ҳар бир сўзи чўғ, олов каби юрагимга ёпишарадир. Ёзув ўзиники, шеър ўзиники. Шеърнинг билдирилгиги ахвол ҳам ўзиники (шеърни ўқий бошлар):

Кўз ёшларим бугун тағин оқарми?
Қизил гулим ўзгалара кулар-да,
Гўзал қушим учиб-учиб ўтар-да,
Кулибгина мен сари ҳам боқарми?

Қизил гулим, — борлиғимни(нг) сultonи!
Жоним, сенинг хаёлингдан кучайди
Юрагимнинг энг қимматли армони,
Нечун менга марҳаматинг озайди?

Икки кўзим, малак юзим, севдигим,
Жонлар сенинг юзгинингдан айлансин.
Қизил гулим, қора кўзим, малагим,
Дунё сенинг боқишингдан ўргулсан.

Қандоқ қиласай, юзингта ҳеч боқолмам,
Кўнгил дардин оёғингфа тўколмам.
Тупроқ каби йиқилмишам йўлингда,
«Малак юзим, ҳолимни сўр!» деёлмам.

Истар эсанг, менга келиб гапурма,
Ёнимда ҳеч ўтурма!
Ёлғиз йиғлаб турғанимни узоқдан
Кўрганингда... марҳамат эт, бир оз кул.

(*Китобни юрагига босиб.*) Оҳ, Нуриддин, кимга айтасан буни? Сен йиғлар экансан, ким кулсин? Йўқ, янгилашсан, хон!.. Сен йиғлар экансен, бутун дунё йиғлар...

Оғочлар орасидан бир кишининг келганини кўриб, китобини мосоға қўяр. Бир оздан сўнг Раҳматуллоҳон оврупача кийинган ҳолда келар. Зулайҳога тугал бир куллук қилғандан сўнг, келиб қўришар.

Раҳматуллоҳон: Хоним, қандай яхши бир ҳолингиз бор!..

Зулайҳо. Шундайми?

Раҳматуллоҳ. Учмоҳ каби бир боғчада, яшил япроқларнинг ингичка кўлагалари остинда япроқлардан ўтиб тушган қуёш ёруғи каби ўтуришингиз дунёдафи энг яхши кўрунишларнинг биринчисидир. Шунча гул туслари билан булбул ўқушларига боқмай, китоб мутолаасига берилишингизни кўрганлар, туришингизни тасвир этмак учун тангридан шоирлик истайлар.

З у л а й ҳ о . Ҳа, янами шоирлиғингиз тутди, хон?

Р а ҳ м а т у л л о ҳ . Кечирасиз, сизнинг шу турушингизни тасвир этиб, бутун дунё кишиларига билдира олмок учун шоир бўлмоқ керак эмиш, шоир бўлғаним учун тангрига шукур қиласмен.

З у л а й ҳ о . Кўб яхши, шоирлик буюк бир ҳунардир.

Р а ҳ м а т у л л о ҳ . Бироқ шоирларнинг-да, энг буюги ўз шеърларини сиз кабиларга ўқута олғани бўлса керак.

З у л а й ҳ о . Чин шоирларнинг булбул ўқушлари каби юракдан қўбган шеърларини ким ўқумас?..

Р а ҳ м а т у л л о ҳ . Шу эрта билан сизнинг қуёшдан бурун чиқиб, шу боғчада ўтуришиңгизни кўрган гуллар, оғочлар ва япроқларнинг ҳар бири даҳи бир шоир бўлған ва ҳар бирининг юрагиндан турли шеърлар қўбган бўлса керак. Бироқ, ишонмайинким, буларнинг шеърларини ўзингиздан бошқа кимса онгламағандир.

З у л а й ҳ о . Хон соҳиб! Эрта билан боғча қопусидан келасиз, бирор мұхим хизмати бор?

Зулайҳонинг бўйла муносабатсиз сўзидан Раҳматуллоҳнинг кайфи қочған каби бўлса ҳам сўзини яна эски йўлда юритмоқчи бўлур.

Р а ҳ м а т у л л о ҳ . Биласизки, эрта билан боғга гул термақ учун келарлар.

З у л а й ҳ о . Афу этасиз, хон соҳиб! Отамни кўтарга келган бўлсангиз, уйдадирлар.

Р а ҳ м а т у л л о ҳ (ўзини йигиштириб). Борми? Мен ҳам у кишини кўрмакчи эдим.

З у л а й ҳ о . Буюринг, Зайнабга билдириңг, хабар берсун.

Р а ҳ м а т у л л о ҳ . Бош устина, хон, хоним! (Ўйга кириб кетар.)

З у л а й ҳ о . (Раҳматуллоҳнинг кетидан қарагандан кеин.) Қизиқ ишлари бор шу йигитларнинг!.. Совуқми, совуқ. Нуриддиннинг бу китоби мана шундай йигитларнинг совуқ кулмаки учун ёзилған эмиш, тўғридир. Булар гўзал кийинмак, гўзал кўринмак, яхши юрмак ва яхши гапурмак учун кўб тиришалар, лекин бу ишларнинг бирортаси ҳам яхши бир тушунча эмас. Буёвға олданур қизлардан бирини олдамоқ учундир. Шу китобдаги ҳикоятда шундай бир ишни кўрсатадир. Мана шундай майин қилиқли бир йигит онгсиз бир қизни ёлғон сўzlари билан олдаб олгандан кейин уни қўйиб, бошқа бирининг кетидан тушган, уни ҳам олғандан сўнг яна бошқасига тузоқ курған эмиш.

Зайнаб бир суфра ўртусини олиб келар, Зулайҳо салом берар. Китобни остдан олиб, ўртуни ёйгандан сўнг яна китобни қўяр.

З а й н а б . Самовар қайнади, хон соҳиб, чойни боғчада ичгайми?..

З у л а й ҳ о . Келган кўноқни кўрдингми?!

З а й н а б . Раҳматуллоҳхонними?

З у л а й ҳ о . Ҳа!

З а й н а б . Кўрдим. Хон соҳиб билан-да кўришди (кетар).

З у л а й ҳ о (ўзи.) Демак, бу чой зиёфати унинг учун?.. (Зайнаб чой асбобини келтирад.) Ҳа, сен бошқа нарсаларни кетур, мен буларни тузатайн.

Зайнаб кетургандарини қўйиб кетади. Зулайҳо истиканларни тузатиб турар. Зайнаб самоварни келтириб қўя берар.

К е л д и л а р м и ?

З а й н а б . Ҳозир келарлар. (Чиқиб кетар.)

Эшикдан Фотимахоним, Каримбахшон, Раҳматуллоҳ кириб келалар. Зулайҳо салом берар.

К а р и м б а х ш х о н . Мана, қизим ҳам шу ерда эмиш. Кўб яхши. (Раҳматуллоҳга ер кўрсатиб.) Буюринг, ўғлим.

Раҳматуллоҳхон ўтирадир. Каримбахшон билан Фотимахоним ҳам ўтирадирлар. Зулайҳо чой сузид берадир.

К а р и м б а х ш х о н (Раҳматуллоҳға.) Қани, ўғлим, нима хабарлар бор? Англиз газетларинда бирор нарса ёзилғанми? Бўзниңг Ҳиндистон тўғрусинда нималар дейлар?

Р а ҳ м а т у л л о ҳ . Аҳвол кўб яхши борадир, хон соҳиб. Ҳиндустонга эрк бермакчи эканлар, «Таймс» газетаси ҳам Ҳиндустонга эрк бериши кераклик топадир.

К а р и м б а х ш х о н . Ў... кўз тегмасин, яна бирор ёмон тушми кўрдилар?..

Р а ҳ м а т у л л о ҳ . Хон соҳиб, оврупалиларда адолат тушунчаси кучлидир. Ҳусусан, англиз миллати кўб эркчидир. Ҳиндустон эркина қарши турмаслар, деб ўйлаймиз.

К а р и м б а х ш х о н . Янглишасиз, ўғлим. Адолат тушунчаси деган нарса Оврупа юрагина кирмас, бу ўғурли қуш у қоронгу ерларда янглишиб кирса ҳам бўгулиб қолар, яшай олмас.

Р а ҳ м а т у л л о ҳ . Оврупада билим ошиб кетгандир. Билими шунча ошган улуснинг юрагинда адолат яшай олмасми?

Каримбахшон. Оврупада билимнинг ошганини билмаған борми? Оврупада билим бор, лекин инсоф йўқ. Оврупанинг билими қоплоннинг тиш-тирноғи каби бир нарсадир. Кучизларни йиртиб емак тўғрисинда кўб иш кўзламишdir.

Фотимахоним. Хон, сизнинг кўб қизиқишиларингиз бор.

Каримбахшон. Нима қилдуқ, қани?

Фотимахоним. Бу кунгача Оврупада ўкумоқни мақташдан тилингиз тинмас эди. Оврупа билимларини ўрганмакни керак топқон эдингиз, букун у сўзларингиздан қайтиб қолибсиз.

Каримбахшон (кулиб). Қайтғаним йўқ. Оврупа билимларини ўрганмак, албатта, керакдир. Оврупада ўкумоқ, овруполиларни инсофли, адолатли деб мақтамоқ учун эмас, унлардан ўзимизни сақлағани, тишли, тирноқли бўлмоқ учун керакдир. Бирда шуни билмак керакки, инсофсизлик билимда эмас, Оврупададир. Оврупада ўрганиб келган билимларни кишилик дунёсининг юксалиш ва тинчлиги йўлига ишлатмак қулайдир. Бутун Оврупа мусулмоннинг ёвидир, ёвларнинг энг буюги, энг кўрқинчлиси англиздир. Буни билмак ҳар бир мусулмон учун керакдир.

Раҳматуллоҳ. Мен Англетараада⁴ шунча ўқудим, ўқучилари, ўқутучилари, ёзучилари, файласуфлари билан кўришдим. Бирортасидан сиз айтган ёвлиқни сезмадим.

Каримбахшон. Англизнинг буюк ҳунари шундадир. У бизнинг энг ёмон ёвимиз бўла туриб, ўзини энг яхши дўстимиз каби кўрсатадир. Гольдстоннинг Куръонни кўрсатиб: «Бу бор экан, биз яшай олмаймиз» деганини билмаған борми?

Раҳматуллоҳ. Хон соҳиб, ёлғуз Гольдстоннинг янглиш сўзи учун бутун англизларга ёмон қарамоқ тўғри бўлмаса керакдир? Англиз ҳукуматининг пойтахтинда «Иттиҳоди ислом» жамияти бор. Англиз катталариндан йилда иккичутаси мусулмон бўлиб турадир. Бу янги мусулмон бўлған англизлар ўзлари учун мачит ясайдилар. Мана шу ишлар кўрсатадирким, англизлар мусулмон ёви эмаслар.

Каримбахшон. Янгишасиз, ўғлим! Англизларнинг мачит ясамоқлари Каъбани бузмоқ учундир. Кўп алданманг. Йилда бир-икки улуғ англизнинг мусулмон бўлиши ҳам ёлғондир. Бундан неча йил бурун Султон Абдулҳа-

мид⁵ замонида бир инглиз Истанбулға келмиш, мусулмон бўлмиш. Абдулҳамиддан «Лондонда шайх ул-ислом вакили» деган мансаб олиб кетмиш эди. Биз кўб вақт: «Лондонда шайх ул-ислом вакили кимга керак экан» деб кулган эдик. Сўнгра англадикким, бу-да ўйин эмиш. Англизлар бутун ислом ҳукуматларини битирғандан кейин ислом халифалигини ўз қўллариға олмоқ учун йўл очиб турар эмишлар. Англизларга ишонмоқ ўзимизни битирмакдир. (Эркисзигина қўлни узатиб, китобни олар, бир муқовасини очиб шеърни кўрар, эс қўюб ўқий берар.)

Фотима. Яна мутолааға бериладилар.

Каримбахшон (Зулайҳога). Қизим, бу китоб кимники?

Зулайҳо. Қайси куни Нуриддинхондан бир китоб истаган эдим, шуни юбормиш.

Раҳматуллоҳ. Албатта, яхши бир китоб бўлса керак, хон соҳиб! (Олиб кўрмак учун қўл узатмоқчи бўлур.)

Каримбахшон (китобни ёпиб қўяр). Билдигингиз рўйонлардан биридир.

Зайнаб кирав, янги келган бир кишининг карточкасини келтириб
Каримбахшонға берар.

Каримбахшон (карточкани ўқиб). Айт, буюрсинлар (Зайнаб чиқар, Раҳматуллоҳға.) Сарвархон келмиш. Танийисиз-а?..

Раҳматуллоҳҳон. Албатта, хон соҳиб, танимайми уни?

Каримбахшон. Яхши бир йигитдир. Оврупада таҳчили ҳам яхши бўлған эмиш.

Сарвархон салом бериб кирав.

Мана, келди ўзи. Кел, ўғлим, кел. (Кўришадирлар, ер кўрсатиб.) Буюр, ўғлим.

Сарвархон ўтирад. Раҳматуллоҳ унинг келишидан мамнун бўлмағанга ўхшаб турар.

Кўролмай қолдик, қаерда қолдинг, ўғлим?

Сарвархон. Афу этасиз, хон соҳиб! Бу дафъа зиёратингизга кўб кеч келдим.

Каримбахшон. Ҳар гуноҳингни афу эта оламан. Лекин шу келмасликни афу эта олмайман: гуноҳинг кўб улуғдир. (Кулар)

Сарвархон. Хон соҳиб, сизнинг афуингиз буюкдир, буюк афулар буюк гуноҳлар учундир. Кичкина гуноҳларни афу этмак ҳар кимнинг қўлидан келадир.

Каримбахшон. Сен кўб мантиқ сотасен, Сарвархон. (Зулайҳога.) Ҳайда қизим, бунга чой бер.

Сарвархон. Куллук, тақсир!

Зулайҳо чой берар.

Каримбахшон. Сарвархон, янги ҳабарларни эшитмадингми?

Сарвархон. Йўқ, қандай ҳабарлар эмиш?

Каримбахшон. Англизлар Ҳиндустонга эрк берар эмишлар.

Сарвархон. Кўрқарам, Ҳайдаробод, Деккан, Туркия или Афғонистон ҳукуматини ҳам битурмакчи бўлмагайлар.

Каримбахшон. Ишонмайсан-а?

Сарвархон. Хон соҳиб, англизларнинг текин эрклари бор эса Ирлонияга⁶ берсунлар.

Раҳматуллоҳ (буюк бир катталик билан). Бугун дунёнинг ёнг улуг газети бўлган «Таймс» даҳи шуни ёзадир.

Каримбахшон. Бунга нима дейсан??

Сарвархон. Хон соҳиб! Биз мусулмонлар, ёлғузгина алданмоқ учун дунёга келибмиз, чоғи... Бўйла ишчимиз, мулламиз, шогирдимиз, ёзучимиз, ўқитучимиз, шоири-миз, файласуфимиз, каттамиз, кичигимиз Оврупанинг газетига, китобига, сўзига, ишига, қонунига, воизига, олтуни, қизилига алданмоқдан бўлак ишни билмайдир... «Таймс» демиш эмиш. Дея берсин. «Таймс»нинг мусулмонларни алдамоқдан бошқа иши борми? Бутун Оврупанинг ройиши бизни алдамоқ эмасми?

Раҳматуллоҳ. Оврупа бизнинг устозларимиздир. Мен билан сиз нима ўрганишиш эсак, Оврупадан ўргандик. Оврупанинг фазилатини инкор этмак бизга ёқмас.

Сарвархон. Мен нима дедим? «Оврупадан бир нарса ўрганмадим» деган ким? Мен ҳар нарсани Оврупадан ўргандим. Оврупанинг инсофисизлигини-да ўзиндан ўргандим. Мен Оврупанинг фазилатини инкор этмаям. Оврупанинг буюк бир фазилати кучсизларни алдаб, қонларини эммақдир. Оврупада инсоф ва адолат деган нарса йўқдир.

Раҳматуллоҳ. Нима қилди, инсофсиз бўлиб??

Сарвархон. Нима қилдими? Буни онгламоқ қулай? Франса Тунис ўлкасини турк ҳукуматидан тортиб олди⁷. Букун Тунис арабларининг ёнг буюк шайхи бир франсуз

итига тош отгани учун осиладир. Буми инсоф?! Жова ўлка-синдаги Фламанг килисоларинда⁸ кунда неча йўлда қўнғироқ чалинар экан, мусулмон мачитларинда аzon ўқумоқ қатағондир. Жова мусулмонлари намоз вақтларини белгиламак учун икки тахтани бир-бирига урарлар. Буми фазилат?! «Тираблуси гарб»да нонини сувга ботириб егаңдан кейин девор кўлгасинда узаниб, тангрисиндан бошқа нарса тушунмаган ёзутсиз араб Италия тўпларига боғланадир. Буми илм??

Каримбахшон. Кўб узоқларга тушдинг, ўғлим! Бутун англизларни тўйдириб турган Ҳиндустоннинг ерли улусиндан йилда неча мингларчasi очликдан ўлиб кетадир. «Буми инсоф» десанг-чи? Бутун Оврупада англиздан ёмонроқ ёвимиз йўқдир. Шунинг учунми, неча сиёсий кишилар, мусулмоннинг англиздан кутулиш учун Олмон кучогина олинишини лозим топмиш эдилар.

Сарвархон. Хон соҳиб! Мусулмонлар учун Оврупанинг қайси давлати фойдалидир, деб тушунмак янелишиб. Менга қолса, биз бутун мусулмонлар мундан кейин мана шундай тушунамиз. Оврупадан фойда кутайлики? Йўқми? Албатта, барчамиз шу тушунчанинг бир ёғинда тўплана олмасмиз. Буюк бир бўлагимиз: «Йўқ, Оврупадан бизга фойда йўқдир» деб ишнинг ичиндан чиқалар. Бир бўлагимиз бутун умидларини уза олмай: «Оврупадан фойда қутайлик, лекин англизданми, олмонданми эмас, бутун Оврупанинг социалистлариндан» деб қолалар.

Фотима. Файласуфни кўринг! Сен ўзинг қайси бўлагинда қолурсен??

Сарвархон. Мен, албатта, биринчи бўлакда қолурман. Чунки Оврупадан фойда кутганлардан эмасман.

Фотима. Сенинг бу файласуфликларингни кўргач, эсимга тушди, бизнинг файласуфимиз Нуриддин нечун келмайдир.

Каримбахшон. Ҳа, дарвоҷеан, Нуриддин қалайдир? Ҳеч кўрасенми?

Сарвархон. Оқшом шунинг ёнинда эдим, билганингиз каби турадир. Ўзгариш йўқ.

Зулайҳо эс қўяр.

Каримбахшон. Нимадир бу йигитнинг кори?

Сарвархон. Кимсага билдиримайдир?

Каримбахшон. Ўзи ишлайдирми, йўқми?

Сарвархон. Бурунғидан ортиқ ишлайдир. Бир, икки китоб ёзди, шеърлар ёзиб турадир. Ёлғиз қайғуси узулмай-

дир, ишларни битирғандан сүнг бир күлтиқда туриб тушунмақдан бошқа нарсани билмайдыр. Йиғлаған чөләрида бўладир.

Каримбахшон. Сен ўзинг нима дейсан? Бирор нарса сездингми, шунинг ишиндан?!

Сарвархон. Сезсам-да, фойдаси йўқ, негаким, очик бир нарса ўртада йўқдир.

Каримбахшон. Ёзувлариндан бирор нарса чиқмайдирми?

Сарвархон. Шу ёзувлариндан бир нарса чиқармоқ бўлар: у-да, усти ёпиқ бир нарса!

Каримбахшон. Масалан, шеърлариндан...

Зулайҳода ўзгариш.

Сарвархон. Менда шу шеърлариндан бир нарса сезганмен. Нуриддин ишқ йўлида кўб шеър ёзадир.

Каримбахшон. Ўзидан сўрамайсенми?

Сарвархон. Сўрамоқ билан айтмайдир?

Фотима. Бечора Нуриддин.

Каримбахшон. Тангри кўмакчиси бўлсин! Зулайҳо, хонларга чой берсанг-чи?

Раҳматуллоҳ. Етар, рухсат берсангиз кетайин.

Сарвархон. Менга ҳам рухсат берсангиз, хон соҳиб!

Каримбахшон. Шундайми? (*Раҳматуллоҳ ва Сарварга қўй бериб хайрлашадир*.)

Фотима (*Раҳматуллоҳнинг қўлини олиб*). Хон! Бу кун тузукроқ кўриша олмадик: гурунгимиз бутун фалсафа билан ўтди. Яна келурсиз, албатта?

Раҳматуллоҳ. Албатта, келаман, хоним!

Сарвар. Хай (р).

Каримбахшон.. Хай, яхши кетингиз!

Сарвархон, Раҳматуллоҳ. Яхши қолингиз.

Сарвархон билан Раҳматуллоҳ кетарлар.

Каримбахшон. Қизим, бориб Зайнабни чақир. Келиб буларни йиғиштирун

Зулайҳо китобни олиб кетар.

Фотима. Хон соҳиб! Мирзо Раҳматуллоҳнинг ишини нима қиласиз?

Каримбахшон. Бир оз сабр қилиш керак, хоним!

Фотима. Сабрнинг бир сўнги йўқми?! Бундан яхшироқ куёвни қаердан топармиз? Улуф ва бой кишининг ўғли, ақчаси милйўндан ошған.

Каримбахшон. Отасининг улуғлиғига ишим йўқ: қиз отасига берилмас, берилса куёвга берилур. Оқчасининг милйўндан ошғанига қараманг! Қизимиз сотилмас.

Фотима. Сиз нимасига қарайсиз??

Каримбахшон. Мен ўзига қарайман!

Фотима. Ўзига нима бўлубдир, ёмонми?!

Каримбахшон. Менга мақбул. (*Кулиб*) Лекин у мени эмас, қизимизни истайдир.

Фотима. Онглаётмадим.

Зайнаб кириб, чой асблоларини олиб кета берар.

Каримбахшон. Демак, истарамки, қизимизга ҳам мақбулми, йўқми? Шуни билмак керак.

Фотима. Албатта, мақбулдир. Бўлмаса, сиз иккى сўз билан уни йўлга кетиарсиз.

Каримбахшон. Хоним! Бир оз сабр қилсак, Раҳматуллоҳдан ҳам яхшироқ чиқиб қолса керак.

Фотима. Кимдир у.

Каримбахшон. Масалан, Нуриддин!..

Фотима. Эҳ-хее... у қайғу тўлимигами⁹ қиз берарсиз?

Каримбахшон. Қизимизни олгач, қайғуси битмасми?

Фотима. Яна онглай олмадим?

Каримбахшон (*кулиб*). Жоним! Бугун нега онглалмас бўлиб қолдинг? «Нуриддин бир қизни севмишdir» деган сен эмасми эдинг?

Фотима. Албатта, бир кишини севмишdir, лекин Зулайҳони эмас!..

Каримбахшон. Зулайҳонинг қўлиндағи китобнинг муқовасинда бир шеър ёзилмишdir. Китоб Нуриддинники эмиш. Шеър ҳам уники. Мен шуни ўқигач, кўб яхши кўрдимки, Нуриддиннинг севгилиси бизнинг қизимиздир.

Фотима. Тангри кўрсатмағай. Нуриддин қизимизни истаса ҳам, қиз уни истамас. Негаки...

Каримбахшон (*сўзини кесиб*). Уни билмайман, ёлиз шуни истайманки, сабр қилинг. Нуриддин Зулайҳони истамаса, Раҳматуллоҳга рози бўлса, Раҳматуллоҳницидир. Йўқса, сабр қилиш керак. Ҳайда, кетайлик...

Фотима (*туриб*). Ҳар ҳолда қизимизни Раҳматуллоҳга бериш керакдир.

Чиқиб кетарлар.

Парда тушар.

ИККИНЧИ ПАРДА

Кеча. Раҳматуллоҳнинг уйи. Оврупача ясанған Раҳматуллоҳ ёзув мососи ёнинда китоб ўқиб турар.

Раҳматуллоҳ (китобни ёниб қўяр, бир қўли билан кўкрагини тутиб). Уфф... Нима қиласай? Шу қизни олмай қолған киши қандай яшар экан?.. Кўлимдан келганини қилдим. Фотимахонимга ёлвордим, кўб армуғонлар, ҳадялар бердим. Зайнаббиба ҳам ҳар кўрганимда эллик, олтмиш рупия оқча бериб турибман. Қизнинг ўзи билан кўришганда ҳам қанча шоирона сўзлар айтаман... Ёниб шеърлар ўқийман. Қайси кун йиглаганим ҳам бор. Фотимахонимга дардимни англата олдим. Бу хоним қизини мендан бошқа кимсага бермас. Зайнаббиба ҳам қизни менга исиндургани тиришмоқчи бўлди. Лекин қизнинг оғзидан бирор сўз ололмадим. Шунча қиласмен, оғиз очмайдир. Тош каби турадир, вассалом.

Шукруллоҳ киради.

Шукруллоҳ. Хон соҳиб, Айюбхон келдилар.

Раҳматуллоҳ. Ёлғузми?

Шукруллоҳ. Фуломҳайдар ҳам бор.

Раҳматуллоҳ. Кўб яхши, келсунлар. (Шукруллоҳ чиқар. Раҳматуллоҳхон ёзув мососиндан лампани олиб, ўртадаги мосога қўяр.) Кўб яхши бўлди, шуларнинг келишлари. Бир оз гурунглашиб олайлик, энди.

Айюбхон билан Фуломҳайдар салом бериб киарлар.

Айюбхон. Ишларингиз лат емагай, хон соҳиб!

Кўришурлар.

Фуломҳайдар. Сиз туташ уйдами ўтирасиз, хон соҳиб? Ташқари чиқмоқ, боғчаларда кезмоқ йўқми?

Раҳматуллоҳ. Ҳар кун чиқар эдим, ўртоқ! Шу кун недандир чиқолмай қолдим.

Айюбхон. Шоирнинг ҳоли шудир! Бир шеър ёзфуси келдими, соатларча уйда қамалиб турадир, чиқмайдир. Шу кун чиқмағандан Раҳматуллоҳхоннинг ҳам бир шеър ёзғани онглациладир.

Раҳматуллоҳ. Тўғридир. Бир вақтлар шеър ёзмоқ учун ҳам қамалиб қолғаним бор. Лекин шу кун шеър ёзмоқ учун қолмадим. Шу кунларда шеър этмак учун ёзғичим ҳам юрмайдир.

Фуломҳайдар. Нечун? Қани, яна нима бўлди?
Раҳматуллоҳ. Нима бўлсун, ишқ-да?

Айюбхон. Ҳо-ҳо-ҳо... Шоирларнинг ёзғичини юритган ишқдир! Ошиқ бўлғанинг учун шеър айта олмас ишми бу?!

Раҳматуллоҳ. Кулма, қардош! Ҳолим кўб ёмонлашиб қолған, шу қизни олмоқ тушунчаси миямни тўлдирмиш. Шундан бошқа нарсани ўйлаётмайман. Шуни ололмасам, ўлиб қолурман. Ўлиб қолмасам-да, ўзимни ўлдиришим аниқ...

Фуломҳайдар. Тангри тўзим берсин.

Раҳматуллоҳ. Юракка бир олов тушған. Бутун бағрим ўртандир. Ўтурсам-да, ухласам-да, уйғонсам-да, эсимда ёлғуз шу қизни олмоқ...

Айюбхон. Эй... жоним! Қиз сендан бунча узоқ эмаску? Онаси Фотимахоним сени ўз боласи каби севар эмиш. Бу ерда ёниб, битиб турғунча уйларига бор, ўтири, гапур, кўриш.

Раҳматуллоҳ. Бул тинарнинг¹⁰ унуми йўқ. Қизни кўриб гапура олмамиш? Юрагимнинг олови ортиб кетадир.

Фуломҳайдар. Нима қилмоқчисиз?

Раҳматуллоҳ. Қизни олмоқ керак, ўртоқ! Бошқа йўл йўқ.

Айюбхон. Бунинг-да йўли шу: бориб-келаберсанг бир кун ўзини ёлғиз кўрасен, дардингни англатурсен. У ҳам қиздир, севмак, севилмак истайдир. Сенинг юрагингда чин севиш бейгиларини кўрдими, у ҳам сева қолар.

Раҳматуллоҳ. Қўй, ўртоқ! Сен мени шундай қуруқ сўзлар, бўш фалсафалар билан овутасен. Сўзи кўб, иши оз файласуфларни кўрмакчилар, келиб сени кўрсунлар.

Айюбхон. Меним қанча сўзим бор эса, шунча ишимда бор.

Раҳматуллоҳ. Қани ишингиз?

Айюбхон. Ўтган ҳафта шу ердан чиққандан сўнг Ка-римбахшон билан кўришдим. Дардингизни онглатдим. Илмингиз, фазлингиз, бойлигинги мақтадим. У киши — дунё кўрган қари киши — дунёнинг қай бир ишини етмиш беш йўла санаған. Бизнинг сўзимиз билан ишламайдир.

Раҳматуллоҳ. Нима деди?

Айюбхон. Буюк бир оғирлиқ билан сўзларимни тўнглади. «Ўғлим, — деди... Раҳматуллоҳни ҳаммангиздан

яхшироқ ўзим биламан. Уни менинг ёнимда мақтаманг. Мен Раҳматуллоҳонга бутун борлиғимни берарға ҳозирман, уни севаман. Зулайҳонинг онаси эса қизини Раҳматуллоҳдан бошқа кимсага бермакчи эмас. Мен-да шунга кўнган. Лекин, биласизким, эрга бермоқ тўғрисида эрк ва ихтиёр қизнинг ўзиндадир. Бир қизни бир йигитга кучлаб юборурға ота-онанинг ҳақлари сира йўқдир. Бизнинг ишимиз — қизимиз ёқтирган йигит тўғрисинда қизимизнинг фойдасин кўзда тутиб тушумак. Қизимиз ўзига заарали бир йигитни сайлаган бўлса, унга мантикий ўғитлар бермакдир». Бу сўзларни эшитгач ўйладим, қолдим.

Раҳматуллоҳ. Бўйла узун фалсафалар билан менинг ишим йўқ. Аҳмоқ Каримбахшон менинг ким эканимни билмаган. Мен Зулайҳони олодмасам, бу дунёда тура олмам. Истар эса яхши билан, оқча билан, йўқса ёмонлик билан оларман. Сира йўл топа олмасам, ўзини у дунёға юборгандан сўнг қизини олурман.

Фуломҳайдар. Ўртоқ! Иш унча қийин эмас. Фотимахоним қизини сизга бермакчи эмиш. Каримбахшон-да бунга кўнган эмиш, қизларнинг тилини оналар билалар. Мен шундай англайманким, Фотимахоним қизини бу ишга кўндирадир.

Айубхон. Мен-да шуни дейман! Қизнинг ота-онаси ёқтирган, қизнинг ўзи билан кўришиб тур, бошқа чора йўқ.

Раҳматуллоҳон чингироқни босар, Шукруллоҳ кирав.

Раҳматуллоҳ (Шукруллоҳга). Ҳайда, қардош! Юракларимиз туташиб қолди. Сувинг бўлса, кетур, бир оз сипқарайлиқ.

Шукруллоҳ. Ҳозирдур, хон соҳиб!

Раҳматуллоҳ. Кетур.

Шукруллоҳ. Хўб. (Чиқар.)

Раҳматуллоҳ. Орқадошлар! Бу кеча бир ерга чиқиш йўқ. Шу ерда гурунглашамиз.

Айубхон. Биз, шу ерда қолмоқ учун келган эдик.

Шукруллоҳ бир патнусда чоғир шишалари билан аёғлар қўйиб, келтирас. Ўртага қўйиб кетар.

Раҳматуллоҳ (аёғларни қўя туриб). Буюринг, орқадошлар!

Айюбхон билан Фуломҳайдар аёғларни оладилар. Раҳматуллоҳ ҳам олар.

Айубхон. Зулайҳонинг соғлиғига!

Раҳматуллоҳ. Зулайҳонинг ишқига! (*Ичарлар.*) Оҳ орқадошлар, ишқнинг на ёмон ҳоллари бор!.. Кўзларим кўр бўлай эди-да, шу Зулайҳони кўрмая эдим. (*Аёғларни тўлдирур.*)

Айубхон. Бошда, албатта, қийин кўринур. Тўй қилиб, севгилингизни уйга келтургандан кейин барисини унтарсиз.

Аёғларни оларлар.

Фуломҳайдар. Раҳматуллоҳон билан Зулайҳонинг тўйлари учун.

Ичарлар. Шукруллоҳ кирав.

Раҳматуллоҳ. Кел, ўртоқ!

Шукруллоҳ. Шерхон келмиш.

Раҳматуллоҳ. Келсун. Унинг учун-да бир аёғ келтир.

Шукруллоҳ. Хўб (чиқар).

Фуломҳайдар. Бу Шерхон яқинда янги бир ишгами кирмиш?

Айубхон. Аскарлиғи бор.

Фуломҳайдар. Ундан бошқа?

Раҳматуллоҳ. Яширин полис бошлиғина кирмакчи бўлмиш.

Шерхон салом бериб кирав, ўтирганлар жавоб қайтарадилар.

Шерхон. Бахтимдан ўргилай, ўғурли бир соатда келибман.

Кўришадилар.

Раҳматуллоҳ. Буюринг, ака. (*Ер кўрсатур. Шерхон ўтирадир. Раҳматуллоҳ аёғларни тўлдирап экан.*) Хуш келдингиз.

Шерхон. Хуш кўрдик.

Аёғларни оладилар.

Айубхон. Бу кеча Зулайҳодан бошқа кимсанинг отига ичмаймиз.

Раҳматуллоҳ. Эсон бўл!

Фуломҳайдар. Зулайҳонинг соғлиғига.

Ичадилар.

Раҳматуллоҳ (*Шерхонга.*) Қани ака, нима гаплар бор?!

Шерхон. Бу күнга яхши эди, эртадан бошлаб бир оз тинчсизлиқ бўлса керак.

Барчалири. Нечун, нечун?

Шерхон. Шу кун тилғиром олдик. Пешовар шаҳрининг полис бошлиғина бомба ила уриб қочмишлар. Эрта кечдан бошлаб бизнинг шаҳримизда ҳам уруш ҳолати эълон қилинар.

Айубхон. Пешоварда бир кишини ўлдирмишлар деб Дехлидами уруш ҳолати эълон этарлар. Бу қандай иш?!

Раҳматуллоҳ. «Бир кишини ўлдирмишлар» дема ўртоқ! Бир англизни ўлдирмишлар. Полис бошлиғи бўлған бир англизни! Албатта, катта бир ишдир.

Айубхон. Сўзингизни онглаёлмадим. Полис бошлиғи бўлған бир англизни «киши» дея оламиزم?

Раҳматуллоҳ. Яъни бир ҳукумат кишисини ўлдирмишлар, сиёсий бир қон тўкилмиш.

Айубхон. Онгладик. Лекин бу қон Пешовардами тўкилмиш, Дехлидами?

Раҳматуллоҳ. Пешоварда.

Айубхон. Унинг ўчини Дехлиданми оларлар?

Раҳматуллоҳ (*аёғларни тўлдириб*). Булар сиёсий ишлардир, бўйла қоронгу ерлари кўб бўлур.

Аёғларни оларлар.

Айубхон. Сиёсий ишларнинг қоронгу ерлари учун.

Кулишиб ичарлар.

Раҳматуллоҳ. Демакки, бундан кейин кечаларда чиқмакни қатағон қилдингиз-а?..

Шерхон. Қатағон қилдик, кимсани қўймаймиз.

Фуломҳайдар. Уйимизда тинчгина ўтирганга қўясизми?

Шерхон. Уни тангри биладир. Ҳар ҳолда эрта-кечдан бошлаб уйнгиздан чиқмассиз?

Фуломҳайдар. Нечанчи соатдан?

Шерхон. Соат тўққиздан тонг отарғача кўчада кўринган киши англиз эса, эртагача сақланғандан кейин қўя берармиз. Ҳиндустонлик-да эса турмага юбориб, бир ой қамармиз.

Фуломҳайдар. Оҳ-о! Бир англиз билан бир ҳиндустонлик орасида шунча айирма борми?

Айубхон. Жоним! Бу-да сиёсий ишлардаги қоронгуликларнинг биридир. Нима дейсан?

Фуломҳайдар. Бу оврупалилардаги виждон қоронгуликлариндандир. Улар ўзларини туташ юқорида тутиб, бизни тубанга уралар.

Шукруллоҳ кирап.

Шукруллоҳ (*Раҳматуллоҳхонга*). Зайнаббиби келмиш.

Раҳматуллоҳ (*телба бўлиб турар*). Ҳозир чиқаман.

Айубхон. Яхши бир хабар бўлғай...

Раҳматуллоҳ. Ким билар?! (*Чиқар.*)

Шерхон. Ўртоқлар, мен-да сизларга ияриб Зулайхонинг отига чоғир ичдим! Лекин ўзини танимайман, кимдир у?!

Айубхон. Раҳматуллоҳнинг севгилиси.

Шерхон. Кимнинг нимасидир у?

Айубхон. Каримбахш соҳибнинг қизи.

Шерхон. Ҳа, онгладим. Раҳматуллоҳ яқинда бу қизга совчи юборғанми?

Айубхон. Юборған.

Фуломҳайдар. Раҳматуллоҳни чақирган шу хотун ҳам шу иш учун келди.

Шерхон. У қизни Раҳматуллоҳхонга бермаслар.

Айубхон. Сиз қаердан биласиз.

Шерхон. Меним хотуним Каримбахш соҳибнигида кетиб-келадир. Шу айтди.

Фуломҳайдар. Қани, гапирингчи, қандай бўлибдир?

Шерхон. Ўтган куни Каримбахшон билан хотуни шу иш учун урушмишлар. Хотун қизини Раҳматуллоҳхонга бермакчи эмиш. Каримбахшон бунга кўнмамиш. «Қизими Нуриддиндан бошқа кишига бермам» демиш.

Фуломҳайдар. Ўила эса бу хотун-да яхши бир хабар келтиргмаган бўлса керак?

Шерхон. Ким билар?!

Раҳматуллоҳхон қайгули бир ҳолда қўлида бир қоғозни букиб келар, ўрнига ўтириб «уфф» деб бошини кўллари орасига олар.

Айубхон. Қани, нима бўлди?!

Фуломҳайдар. Хат кимдан, ўртоқ?!

Раҳматуллоҳ (*бошини кўтариб*). Сўраманг, қардошлар!

Айубхон. Нима бўлди, айтсанг-чи?

Раҳматуллоҳ (*сингирли узоқларга қараб*). Аҳмоқ Каримбахш!

Мен бу ишга йўл берар эканманми?
Айюбхон. Жоним, нима бўлди? Нечук айтмайсан?
Раҳматуллоҳ. Фотимахоним ёзиб юбормиш.
Фуломҳайдар. Нима ёзмиш?
Раҳматуллоҳ. Каримбахшон қизини менга бермакчи эмас эмиш.

Айюбхон. Нечун?

Раҳматуллоҳ (*ёзувни хонга ташлаб*). Мана, ўқинг!
Айюбхон (*ёзувни ўқур*). «Ўғлим, Раҳматуллоҳон! Қизимни сенга бергали бор кучим билан тиришдим. Бундан кейин-да тиришарман. Бироқ хон соҳиб, бунга кўнмайдир. «Нуриддинхон бор экан, қизимни бошқага бермам» деб турадир. Шуниси яхшиким, Нуриддинхон-да бу кунгача қизимга совчи юбормади. Хон соҳибни шу ишга кўндири-мак учун бирор йўл топғайсиз деб, ўзингизга билдиридим».

Раҳматуллоҳ (*қўлини мосога уриб*). Йўли қулай. Каримбахш билан Нуриддинни у дунёга юборамиз. Иш битар.

Шерхон. Бундан бошқа йўл йўк!

Фуломҳайдар. Нуриддиннинг нима ёзуғи бор? У қизни истамаган эмиш-ку?

Раҳматуллоҳ. Эшитмадингизми, у бор экан, қиз менга берилмас эмиш.

Айюбхон. Бу тўғруда бизга Шерхоннинг қўмаги керак.

Раҳматуллоҳ. Уртоқ, Шерхон? Бу ишни қиласиз-да...

Шерхон. Қўлимдан келган хизматни сиздан аяганим борми?

Раҳматуллоҳ. Эсон бўл, қардошим! Хизмат ҳақингни унутмам.

Шерхон. Эсонлик керакдир, хон соҳиб!

Айюбхон. Сен қандай тушунасен, Шерхон, нима қилмоқ керак?

Шерхон. Кулайдир, хон соҳиб, полис бошлиғига бориб, Пешовар шаҳриндаги полис бошлиғини ўлдурғанлар билан Нуриддинхоннинг танишлиғи бор десам, иш битар. Нуриддин турмага юборилтур.

Раҳматуллоҳ. Офарин, Шерхон!

Шерхон. Турмага кетдими, у ёғи қулайдир. Ўлдириб юбормак ҳам, чурутуб битирмоқ ҳам бўлур.

Раҳматуллоҳ. Бор бўл, ўртоғим! Турмага юборгандан кейин, ўлдиримак керак.

Шерхон. У ёғи қулайдир.
Фуломҳайдар. Ҳай, эмди менга рухсат.
Раҳматуллоҳ. Кетасизми, қардошим?
Фуломҳайдар. Кетаман, ўртоқ.
Раҳматуллоҳ (*туриб*). Буюринг.
Айюбхон (*туриб*). Ҳай, эмди.

Кўришиб чиқарлар, Раҳматуллоҳ билан Шерхон қоларлар.

Раҳматуллоҳ. Келинг, Шерхон, эмди сиз шу ишни бўйнингизга оларсиз.

Шерхон. Ол, десангиз, олармиз.

Раҳматуллоҳ (*қўлтуғидан бир таянч қофоз чиқариб, бармоқлари орасинда ўйнаб туриб*). Орқадош, менга қолса, шу одамни ўлдиримак йўлини топ, турмаға юбормак унча пишиқ бўлmas.

Шерхон. Қўлимдан келган хизматни қиларман, хон!

Раҳматуллоҳ. (*Банка қофозини бериб*) Мана бунда хизмат ҳақингиз, икки минг рупиялик банка қофози. Яна кўришурмиз.

Шерхон (*қофозни олиб*). Эсон бўлингиз. Ҳай, эмди. (*Қўл берар*.)

Раҳматуллоҳ (*қўл бериб*). Ҳай, яхши борингиз.

Шерхон. Яхши қолингиз. (*Ketar*.)

Раҳматуллоҳон уни узатурга чиқар.

Парда тушар.

УЧИНЧИ ПАРДА

Кундуз. Нуриддинхоннинг иш уйи, китоб билан тўла икки дўлоб¹¹, ўртада бир мосо, девор ёнида ёзув мососи, устида бир электрик лампаси-да ёзув тақвими ва Нуриддиннинг ёзувлари турадир.

Аҳмадхон ўртадаги мосо ёнида китоб ўқиб ўтирибди.

Шу чорда Сарвархон эшиқдан кўринур.

Сарвархон. Кирсақ бўлурми?

Аҳмадхон (*китобни қўйиб ёпар*). Буюрсинлар, хон соҳиб! (*Кўришиб ўтираплар*) Эсонмисиз, хон соҳиб??!

Сарвархон. Алҳамдуиллоҳ. Сиздан сўрайлик?

Аҳмадхон. Алҳамдуиллоҳ...

Сарвархон. Нуриддинбек йўқми?

Аҳмадхон. Богчага чиққан эди, ҳозир келса керак.

Сарвархон. Аҳволи қалай, бир оз яхшиланмишми?

Аҳмадхон. Эскиси каби, хон соҳиб. Ёзмоқ, тушунмакдан бошқа иши йўқ.

Сарвархон. Ёзатурдиги рўман битдими?

Аҳмадхон. Битаёзи. (Ёзув мососини курсатиб.) Мана, ёзувлар шунда турадир.

Сарвархон (ериндан туриб, ёзув мососига тўғри юрап). Кўрайинчи, нималар ёзадир, хожа¹² файласуфимиз. (Мосоға келиб, қораланған қоғозларни олиб қарар.) Ўҳ-у...нақадар адабий тасвир... гўзал ва шоирона бир лавҳа!. Тингла, Аҳмадхон?

Аҳмадхон. Буюрингиз, хон соҳиб!

Сарвархон (ўқир). «Учмоҳ кўринишли бир боғча. Боғчанинг энг кўркамли еринда ўриндиқ кўйилған... Ойша боғчадаги гулларнинг энг гўзалини уялтирур бир сувратда ўтирибди. Тува¹³ тусли соchlари, топинмоқ учун оташкада теграсинда тўплланган ҳиндилар каби бўйининг ҳар ёнинда сочилган бир-икки ҳалқаси, манглайина тўғри узаниб, сўл қошигача келган-да, ҳурматсизликнинг бунчасини ортиқ кўриб, яна қайрилған. Гул япрофина гўзал сабоги берган қип-қизил ипак кўйлаки тонг елининг ўпишлариндан ўсанғани учун титраб турган. Янги очилган бу тангри гули қўлиндаги кичкина китобнинг мутолаасига берилган...»

Аҳмадхон. Чиндан шоирона бир тасвир.

Сарвархон (бир оз ўйлаб). Аҳмадхон! Нуриддиннинг бунча қайтурғанин сабабини онглаб, чорасини топмоқ чоги келгандир. Ишни бўш тута берсак, Нуриддин ишдан чиқиб қолар.

Аҳмадхон. Тўғридир, хон соҳиб! Бироқ нима қилмоқ керак!

Сарвархон. Нуриддиннинг дарди бор. Бу дард ўз эмини топмаса, Нуриддинни ишдан чиқарур.

Аҳмадхон. Биламен, хон! Менинг ҳам энг буюк тилагим оғамнинг шу дардига эм излаб топмоқдир. Бироқ бир дардни эмламоқ учун уни яхшифина онгламоқ керакдир. Оғамнинг дардини яхшифина очолмай турубман.

Сарвархон. Дардинг нималиги тўғрисидан бирор нарса ўйладингми?

Аҳмадхон. Ўйладим, хон соҳиб! Дарди, менимча, белгиланди. Оғамнинг юрагини ёндириб турган севги оловиндан бошқа нарса эмасдир. Унинг севгидан бошқа дарди бўлса эди, бу кунгача эмланур эди.

Сарвархон. Бу тўғри... Нуриддиннинг севги ва ишқ тамуғина тушганини ҳар биримиз онглағанмиз, бироқ ким-

ни севар, унинг юрагиндаги бу қўрқинч олов қайси қўёшдан қўпуб тушған, мана шуни онгламоқ керак...

Аҳмадхон. Уни онглағаним йўқ, хон соҳиб!

Сарвархон. Оталар сўзицирким: «Икки қўл қилған ишни бир қўл қила олмайдир». Иккимиз биргалашиб ўйлайлик-чи, қани бир нарса топа олармизми?

Аҳмадхон. Буюрингиз, хон соҳиб!

Сарвархон. Адабиёт онгсунинда¹⁴ бир сўз бор. Дерларким: бир адаб бир театру ё бир рўман ёзганда, ўзининг миясиндағи сезгилардан бошқа нарсани тасвир эта олмайдир. Нуриддинхоннинг шу рўмонинда тасвир этилған қизни мен кўрган каби бўлдим.

Аҳмадхон (кулимсаб). Хон соҳиб! Оғам бу рўманда юз эллик йил бурун ўтған бир қизни тасвир этган.

Сарвархон. Тўғридир, бироқ Нуриддинхон у қизга ўзининг миясиға таъсири бўлған бошқа бир қизнинг суратини тақсан, мен шу қизни тунов кун кўрдим.

Аҳмадхон. Ким экан, у қиз?!

Сарвархон. Каримбахшоннинг қизи!..

Аҳмадхон (обдираб). Ўҳӯ... Демак, оғамнинг миясиға Зулайҳонинг таъсири бор-а?!

Сарвархон. Менимча бўйла...

Аҳмадхон. Сиз буни қаердан онгладингиз?!

Сарвархон. Мен қайси кун Каримбахшоннинг боғига кетган эдим. Зулайҳони кўрдим. Қизил ипак кўйлак кийган эди. Шу рўмандағи шоирона тасвирга бутун келиша эди. (Эсига яқин бир нарса келган каби.) Ҳо... У кун Раҳматуллоҳон ҳам бор эди. Зулайҳони кўргали борғанини ҳар бир ишиндан онглаб турған эдим. Тунов кун эшитғаним бир хабарга кўра Раҳматуллоҳон Нуриддин учун бир ёвузиқ туйиб юра эмиш.

Аҳмадхон. Қандай ёвузиқ?!

Сарвархон. Нуриддинни бирор йўл билан йўқ қилмоқчи эмиш. Бу тўғрида Шерхон билан кенгашлари ҳам бор эмиш. Раҳматуллоҳоннинг бу тушунчаси нечун? Нуриддинни нега йўқ қилмоқчи? Шуни-да онгласайдик, масалা очилған...

Аҳмадхон. (Эсига бир нарса келган учун, Сарвархоннинг сўзини кесар.) Кечирасиз, хон соҳиб! Меним эшитғанимга кўра Раҳматуллоҳ Зулайҳога совчи юборған, Зулайҳонинг отаси қабул этмаган.

Сарвархон. Ҳа, иш очилди. Демакким, Раҳматуллоҳон Зулайҳоға совчи юборган, у қабул қилмаган, у бу ишни Нуридиндан билиб, йўқ қилмоқчи бўлған.

Аҳмадхон. Ҳон соҳиб! Бир Нуридиннинг бир дардига эм излаб турганда, иккинчи бир дард чиқиб қолди, оғамни Раҳматуллоҳдан сақламоқ керак энди?

Сарвархон. Уни сақламоқ қулагай. Барчадан бурун Нуридиннинг дардини ўзиндан онглаб чорасига киришмак тейиш.

Аҳмадхон. Уни қандай онглармиз?

Сарвархон. Ўзиндан сўрармиз.

Аҳмадхон (эшикка қараб). Мана ўзи ҳам келди.

Нуридин келар.

Нуридинхон (қайгули). Ассалому алайкум! Хуш келдингизми, ўртоқ?

Сарвархон (туриб). Хуш кўрдик. Кел, Ҳўжа файла-сүф. (Қўришиб ўтирарлар. Нуридинга эс қўйиб қараб.) Ўртоқ. Бу не ҳол? Сенинг учун қайғудан кутулиш куни йўқми?

Нуридинхон (кулимсираб). Тирикликтан кутулмагунча қайғудан кутулиш мумкинми?

Сарвархон. Сендан бошқа тирик киши йўқми?

Нуридинхон. Бор ҳам кўб бор.

Сарвархон. Шунларнинг қай бири сен каби қайғуларда ботиб турадир?

Нуридинхон. Уларнинг тирикликтан нима онгланини, нечун қайғурмай юрганларини била олмадим.

Сарвархон. Чин ўртоқлар кишининг қайғуларини кўтариб, дардларини эмламоқ учун керакдирлар. Неча йилдан бери ўртоқлик қилиб турибмиз. Юрагингдаги дардни тилингга олиб, менга билдирганинг йўқ. Бўйла ўртоқлими булар?!?

Нуридинхон. Юрагимдаги дардларни тилимга ҳам чиқармоқчи бўласан, ўртоқлиғинг шуми энди??!

Сарвархон. Дард билинмағандан давоси топилмас, сен дардингни айтмагач, мендан нима кутарсен?

Нуридинхон. Меним дардим учун эм керак бўлса эди, кўбдан бери сенга айттар эдим. Лекин меним дардим даво истамас.

Сарвархон. Нечун?

Нуридинхон. Чунки давоси йўқдир.

Аҳмадхон. Оға, сенинг дардинг нима эдики, онглашмасдир.

Нуридинхон. Улар билар!..

Сарвархон. Ўртоқ, сен бирисини севгансан. Юрагингда севги олови бор.

Нуридинхон. Севмак гуноҳми? Бугун бир кишини севмаган бир юрак борми? Юрак севгисиз, балиқ сув-сиз яшарми?

Сарвархон. Тўғридир, лекин севгини бўйла яшириб юрмоқ нечун?

Нуридинхон. Севги юракнинг хазинасидир, хазинани яширин сақламоқ тейишидир.

Аҳмадхон. Кимни севганингизни ҳам онгладик. Биздан яширсангиз, осигисиздир¹⁵.

Сарвархон. Сен Каримбахшоннинг қизини севгансан, ўртоқ.

Нуридинхон (буюк изтироб билан). Ўтинамен, кишининг юраги билан ўйнамағайсен?!

Сарвархон. Нуридин! Шу кунгача бирликда ишлаб келдик. Сени энг севгили қариндошимдан кўбрек севдим, бир-биримиздан яширин нарсамиз йўқ эди. Бирор дардга учраганда келиб айттар эдик. Кенгашиб, бирлашиб, шунинг севганинг ахтарар эдик. Сенга нима бўлди? Зулайҳони севганинг экансен, унинг учун йиглаб турар экансен, нечун менга айтмайсен?

Нуридинхон. Сарвархон, кечирасен, ўртоғим! Виждонима онт ичаменким, дунёда сендан азизроқ ўртоғим йўқдир. Сенга ҳар дардимни айтиб, чорасини сўрамоқни ўзим учун фарз деб биламен.

Сарвархон. Юрагингдағи севгини нечун билдириб, чорасини сўрамадинг?

Нуридинхон (мунгли). Ўртоғим, юрагимдағи севги дард эмас, даводир. Унинг чорасини истамам. Негаким, бутун дардларимнинг чораси удир.

Аҳмадхон. Севгининг чораси — севгилига эришмайдир, севгилисига эришмаган бир ошиқнинг бутун тириклиги — дард ва қайғусидир. Зулайҳоға эришмадинг, бу кунгача ўз ҳолингни ҳам унга онглатолмадинг. Шунинг учун шу ҳолга тушиб қолибсен. Яна «Менинг севгим дард эмас» деб катталик қиласен.

Нуридинхон. Ишқнинг нима эканини билмайсиз-ку?

Сарвархон. Бизми, билмаймиз?!

Нуридинхон. Албатта, билмайсиз. Билсангиз эди, ишқни дард демас эдингиз ва ошиқ учун бир тилак-борли-

гини тушунар эдингиз. Ишқ дард эмас: инсонларни ҳайвонликдан құтқарап бир даводир. Буюк қаҳрамонлар, улуғ адилар, катта файласуфлар ёлғыз ишқ күчасинда етишишмешлардир. Буюклиқда «КАМОЛ» деган нарсаларга эришмак ишқсиз мүмкін эмасдир. Шунинг учун ишқ бир даводир. Буни «дард» деб, давосини излаганлар, янгиши йўлга кеталар.

Аҳмадхон. Ошиқ бўлган кимса, маъшуқига эришмакни истамасми? Шунинг учун бир оз тиришмасми? Сен Зулайхони севгансен, нечун уни истамайсан? Отасига нега билдурумайсан?

Нуриддинхон. Сизлар ҳар бир сўзингиз билан ишқнинг ҳақиқатини билмаганингизни эълон қилиб турасиз. Дунёда «ишқ» билан «ҳавас»ни яхшигина онгламоқ керак. Бир-бирига кўб ўҳшаган бу икки ҳолни айрмоқ тейиш. Маъшуқа истамак, у билан бир ерда ётиб-қалқмоқ ишқ эмас — ҳавасдир. Ишқнинг ишқдан бошқа тилаги йўқдир. Чин ошиқлар маъшуқларнинг ўзи билан эмас, хаёли билан яшайлар.

Сарвархон бу сўзларни файласуфона тинглаб, тушуна бошлар.

Аҳмадхон. Сен Оврупада ўқидинг. Букун ҳар нарсанни фан ва фалсафа кўзи билан қараб турған оврупалилар ҳам ишққа сен каби маъно бермайлар. Оврупада ҳар бир киши бир кишини севдими, унинг энг биринчи тилаги ўз ишқини маъшуқига билдириб, ундан марҳамат истайдир.

Нуриддинхон. Оврупани қўябер! Оврупада ҳайвонликдан бошқа нарса йўқдир. Оврупалиларда рух йўқдир. Бунлар руҳоний лаззатдан бир нарса онгламайлар. Чин севиши ва ҳақиқий ишқнинг туб ери Шарқдир. Мажнунлар, Фарҳодлар каби ишқ пайғамбарлари Шарқда етишдилар. Бу кун Оврупангда ишқ отини олған ҳоллар ҳайвонлик ҳавасларидан бошқа бир нарса эмасдир. Оврупадаги «ишқ» деб танилған у ҳайвонлар ҳаваси, кишининг камолига, сабаб бўлмас, кимсанинг руҳини юксалтирас. Оврупа бўйла эмиш, деб мен ҳам ўзимни ҳайвонлик чуқурларига ота олмам.

Сарвархон. Ўртоғим! Сўзларинг тўғридир, лекин ошиқ бўлған киши маъшуқига эришмак истар. Буни билмаган йўқдир. Сен нега бундан тониб турасен.

Нуриддинхон. Янгишишасен, ўртоғим, чин ошиқ ўзининг саодатини эмас, маъшуқанинг камолини истар. Маъшуқанинг камолига хизмат этмак учун ўзи комил бўлур-

га тиришур. Ҳар ишдан бурун маъшуқини ўз ёнига олмоқ истағанлар, маъшуқаларидан бурун ўзларининг саодатларини тилаған эрурлар. Маъшуқини қўйиб, ўз саодатини тушунғанларга эса ишқ демак янгишишдир.

Аҳмадхон. Нечун дардингни бизга билдирумайсан?

Нуриддинхон (кулимсиб). Дардим йўқ?

Аҳмадхон. Бир кишини севгансен-ку?

Нуриддинхон. Севиш дард эмас, даводир.

Аҳмадхон. Нечун шуни билдирумайсан?

Нуриддинхон. Севги юракнинг энг муқаддас бир хазинасидир. Уни яширмоқ керакдир.

Сарвархон. Ўртоғим, дунёнинг энг кўрқинч олови севгидир, уни ёпмоқ учун устига на қўйсанг ёнар, унинг алансини юксалтирас. Сен юрагингдаги севгини яшурғали шунча тирищдинг, лекин сенинг севганингни ёлғиз биз эмас, ёвларинг ҳам билиб олмишлар.

Эшикда Фуломҳайдархон кўринур.

Гуломҳайдархон. Кирсак бўлурми?

Үдагилар иргиб турарлар.

Нуриддинхон. Буюринг, хон соҳиб! (*Гуломҳайдархон кирад, кўришиб ўтирурлар.*) Хуш келдингиз, хон соҳиб!

Гуломҳайдар. Хўш кўрдик, хон соҳиб! Кечирасиз, қардошим, сұхбатингизни тўхтатдим. Чоғизми, келдим?

Нуриддинхон. Ў... Тангри сақлағай, хон! Сизнинг бу келишингиз бизнинг сұхбатимизга бошқа бир файз берадир.

Сарвархон. Кўбдан бери сұхбатингизга муҳтож эдик.

Гуломҳайдархон. Қуллук, хон соҳиб! Зарур бир ишим чиқмағанча, бошингизни оғритиб келмакни муносиб кўрмадигим учун ҳар кун кела олмайман.

Нуриддинхон. Буюрингиз, хон соҳиб, хизматингизга ҳозирмиз.

Гуломҳайдархон. Қуллук, хон соҳиб, хизматим йўқ. Бироқ сизнинг тўғрингизда қўрқувли бир хабар эшигдим. Шуни билгали келдим.

Сарвархон билан Аҳмадхон бир-бирларига қарайдилар.

Нуриддинхон. Қандай хабар?!

Гуломҳайдархон. Хон соҳиб, мен сизни кўбдан севамен, ёзган китоб ва мақолаларингизни сева-сева ўкуб,

кўб осиғланамен, юртимиз учун энг керакли ва асру осиғли эканлигингизга ишонамен.

Нуридинхон. Култуқ, хон соҳиб!

Гуломҳайдархон. Шу кунларда ўзларини ёш ва юртчи атаған бир-икки «вижданли киши» томонидан сизга бир зарар етқизулса керак.

Аҳмадхон. Ким экан, улар?!

Гуломҳайдархон. Кечиравасиз, хон соҳиб. Уларнинг отларини айта олмайман. Ёлғиз шуни хабар бера оламан-ким, орадаги душманликқа сабаб ишқ масаласидир.

Нуридинхон (*кулимсаб*). Қандай зарар еткуарар эканлар?!

Гуломҳайдархон. Хон соҳиб, сизга бўйла бир ёмон хабар кетурганим учун ўзимни баҳтсиз санайман!

Нуридинхон. Йўқ... зарари йўқдир, орқадош, билганингизни айтсангиз, ҳаққимизга буюк бир яхшилик қилған бўлурсиз.

Гуломҳайдархон. Уларнинг туб тушунчалари сизни йўқ қилмоқдир, лекин усталиқ ва шайтонлик билан бу тилакларига эришмоқчи бўлалар.

Нуридинхон. На каби?!

Гуломҳайдархон. Буларки, ҳукуматга ёлғон бир хабар бериб, сизни тутдирсинглар.

Нуридинхон. Қандай хабар?!

Гуломҳайдархон. Яқинда Пешовар шаҳрида бир англизни ўлдирган эдилар.

Сарвархон. Пўлис бошлигини...

Гуломҳайдархон. Ҳа, ёвларингиз Пешовардаги бўлған шу ишни сиздан қилиб кўрсатмоқчи.

Аҳмадхон. Ой, жоним! Бизнинг ҳукумат кишиларида онг деган нарса йўқми? Биз Дехлида ўтирибмиз. Пешовардаги бир ишдан нима хабаримиз бўлар.

Сарвархон (*Аҳмадхонга*). Қардошим, ҳукумат кишиларимиз англиз эмасларми? Қай бир англизнинг энг биринчи тилаги қайси йўл билан бўлса-бўлсин, бир мусулмонни кўлга тушуриб бўғмоқдир.

Шу чоғда ташқарида гурултов бўлар, эшиқдан англиз юзбошиси (Вилям) билан тўрт ҳинд пўлис босиб киралар.

Вилям (*тўппончасини кўрсатиб*). Барчангиз берилингиз! Озғина тебранган кишининг ўлимига ҳукм бордир! (Пўлисларга.) Тутингиз бунларни.

Пўлислардан бир-иккиси ўйларидағи кишиларни бир ерда тўплаб сақларлар.

Нуридинхон. Тинч ўтирган кишиларнинг уйларига кимнинг буйруғи билан босиб кирасиз?

Юзбоши. Ҳукуматнинг буйруғи билан!

Нуридинхон. Қофозингиз борми?

Юзбоши (*тўппончасини тўғрилаб*). Қофоз истамас, мени таниғуси нарса мана шудир! (Бўш ўтирган икки пўлисга.) Кўтаринг бунинг қофоз билан битикларини.

Пўлислар битик ва қофозларни тўплаб кўтарурлар.

Сарвархон. Бизнинг ёзумиз нима экан?!

Юзбоши. Чиқарма товушингни, сўроқ чоғингда онгларсен?

Нуридинхон (*Гуломҳайдархонни кўрсатиб*). Бу киши меним қўноғимдир, буни кўяберингиз, ўз ишига борсин.

Юзбоши. Гапурма дейман! (Пўлисларга.) Ҳайданг олға... марш!

Пўлислар битик ва қофозларни кўтарган ҳолда тутқунларни олға суриб чиқаралар.

Юзбоши. Ҳай, хоин мусулмонлар! Англиз каби буюк давлатнинг қўл остиндан чиқмоқ учун тиришма. О-о... Англиз миллати бу тўппончаларни сизни кўкракларингизни тешмак учун ясағандир.

Чиқиб кетар.

Парда тушар.

ТЎРТИНЧИ ПАРДА

Зиндан. Бир ёнда, ер устинда похол ёйилган, бир кат¹⁶ ёнида бир синик кумғон кўйилған. Нуридинхон похоллар узра ётибди. Туш кўрадир.

Нуридинхон. Зулайҳо!.. Кел, малагим, кел! Чечагим, кел... оҳ. Ёй тузи каби... гуллар орасинда ўтирасен... тангрини күшидек... малаклар билан учушасен... Сен умид чечагисен... Узоқларда юрасен... Сен ошиқ баҳтисен... бизга ёношмайсен¹⁷... (*Туарар. Талвасада*.) Кел, гўзалим... Кел севгилим... Кел жоним... кел, армоним... Оҳ, кетди... Жоним кетди, тинчлигим узоқлашди... Кетди... (*Тинар. Яна талваса*.) Кел... Зулайҳо ... кел! Тангрини чироғи, кел... Кўнгул боғи, кел... Жон булбули, кел... Армон юлдузи, кел... (*Кулимсиб*.) Оҳ, кел... (Зулайҳонинг хаёли келиб Нуридиннинг бошида ўти-

радир. Нуридин бир оз тинганидан кейин, яна талвасага тушар. Құлларин Зулайҳо сари узатар.) Кел... севги учмоғи... кел! (Хаёл секин-секин кета бошлар.) Кетма... учмоҳ булбули...кетма...оҳ!.. Кетди... Умидим каби учди... Армонимдек қочди... кет... гўзалим, кет. Сен малаксен... тубанларда юрма... Сен қуёшсен... бизга ёруғинг етарликдир... уч.... уч... гўзаллар ҳокими... гўзалик тангриси... уч... юксал... Сен қуёшсен!.. Қанча юксалсанг, ерни шунча ёритган бўларсен...

Зиндан эшиги ёвошина очилур. Шерхон секингтина кириб, оёқ уни билан Нуридинга ёнашар.

Нуридин хон (тушда). Зулайҳо... кетдингми?

Шерхон. Яхши бир паллада келибман. Ётиб қолмиш!..

Нуридин хон. Зулайҳо...

Шерхон. Ўхъ... тушинда Зулайҳони кўрадир, бунга уйғонмоқ йўқдир эмди.

Нуридин хон. Мени йиғлатма, малагим!..

Шерхон (улусга ёношиб). Ҳукуматимиз-да кўб қизиқ!.. Сенга ола қараған бирини кўрсатиб, «мана шу киши англизларни севмайдир» дедими... иш битди. Унинг онасини кўрсатмай кўймайлар. Тубсиз бир сўз билан буни қаматдим... Бу бояқиши икки ойдир, шунда ётадир... Бизнинг Раҳматуллоҳон эса ҳалигача Зулайҳосини ололмаған... Ўткан кун мени чақириб...

Нуридин хон (қаттиқ талваса билан қўлларини узотиб). Зулайҳо о, кел..., кел... Кўз бабагим, кел... жон чечагим, кел!

Шерхон сесканиб қочмоқчи бўлар, уйғонмаганини кўргач, обдираб қўзларини Нуридинга тикиб турар.

Нуридин хон (қўлларини узатган ҳолда). Келдингми?.. (Зулайҳонинг хаёли кўриниб, оғир бир юриш билан Нуридинга ёнашур.) Тўхта... учмоҳ чечаги тўхта... Менга ёношма... Юрагимнинг алангаси сенга тегмасин! (Хаёл йўқолур.) Кетдингми? Мени тирик қўйиб кетма, жоним! (Тинар.)

Шерхон. Раҳматуллоҳон ўтган кун мени чақириб, «Қиз менга кўнмайдир, йўлини топ» деди. «Отасини қаматай» дедим, кўнмади. «Отасини қаматмоқ унумсиздир. Нуридин тирик экан, у қиз менга тегмас. Ишқилиб, Нуридинни йўқот» деб менга тағин беш минг рупия берди.

Нуридин хон. Ҳулкарим, кел... Нега келмайсан?

Шерхон (обдираб қарағандан кейин). «Шаҳар бошлиғига бир оз ақча берсанг, ёзугини бўйнига қўйиб, осиб юборгай» дедим. Раҳматуллоҳ кўнмади. «Нуридинни осса-

лар, Зулайҳо мендан билар, сўнгра менга сира кўнмас. Ишқилиб Нуридинни зинданда оғуламоқ қерак» деди. «Бу иш қулай эмас» дедим. Яна беш минг рупия берди. Нима қылмоқ қерак? Ўн минг рупия оз эмас? (Киссасидан кичкина бир шишани чиқарип.) Ўн минг рупия учун шул кишини учмоҳга юбориш қулай эмасми?... (Ҳурка-ҳурка қумғон сари борар.)

Нуридин хон. Мени ўлдирасенми, золим?!

Шерхон ҳуркар, шиша ичиндагини қумғонга бирдан бўшатиб, орқага босар. Шу чогда зинданчи кирап.

Зинданчи. Ишингиз битдими?

Шерхон. Кечирасен, ўртоғим, бояқиши йигит ётган экан. Уйготурға кўнгил истамади. Ўзи уйғонгай, деб турдим, уйғонмади, энди кетиб, эрта билан келарман.

Зинданчи. Кўп яхши. (Шерхон чиқиб кетар, Шерхоннинг кетидан ёмон-ёмон қарагандан кейин.) Шу кишининг яхши бир тиласи бўлмаса қерак. Нуридинга сўзим бор, деб келди, гапурмасдан кетди...

Нуридин хон. Мендан нима истайсен?!

Зинданчи (сесканиб). Ким? Менми?

Нуридин хон. Оҳ... золим!..

Зинданчи. Кимни дейсиз?

Нуридин хон. Малак...

Зинданчи (обдираб). Нуридинхон... Нуридинхон!..

Нуридин хон. Чечак...

Зинданчи. Нуридин, ҳай, Нуридин!

Нуридин хон (отилиб кўзларини очар). Ким сен?!

Зинданчи. Мен... зинданчи!

Нуридин хон. Оҳ!..

Зинданчи. Оқшом нонини емасдан ётибсен, нон кетурайми?

Нуридин хон. Керакмасдир.

Зинданчи. Нуридинхон! Кўб қайғурмангиз, қутулишингиз чоғи етишгандир!

Нуридин хон. Кетингиз бу ердан!

Зинданчи. Бирор нарса истамайсизми?!

Нуридин хон. Сизнинг кетишингизни истаймен.

Зинданчи. Яхши мен кетайин. (Чиқар.)

Нуридин хон (ўтириб). Тангрининг қизиқ ишларига боқ. Меним торгина миямда ер юзининг қайғусини сифидиргандир экан, ўзимни ер юзида сифдира олмайдир... Ишми бу?! Юртимнинг тўрт юз милйўн улуси неча минг англиз

маймунларининг таёфлари остинда эзилиб турадир. Юз мингларча қон-қардошларим очликдан ўлиб туралар. Қоронғу зинданлардаги кишаңлар остинда жон берганларнинг сони йўқ. Бунларнинг қутулиш йўлларини ахтарасиз деб ёзугсиз кишиларни, тинч кимсаларни ҳам қамаб туралар. Яна ўзларини инсон, маданий, одил атаб юралар. Уятсизлар, виждансизлар! (Қизиб.) Ёвуздар! Бугун маймун сирасинда кўйдигингиз Ҳиндистон болалари қиёматга довур бўйла қолмаслар. Буларнинг даҳи кўзи бор, очилур. Вижданни бор, уйғонур. Кони бор, қайнар. Тўрт юз милийн инсон боласининг бўйла эзилиб қолишига тангрি кўнмас, табиат рози бўлмас, адолат қараб турмас. Бир кун буларнинг барчаси сизнинг ўлимингиз учун ўзининг сўнг кескин буюргифини чиқарур. Мана шу паллада мазлум чиқишининг қандай ёмон эканини ўз кўзларингиз билан кўриб, ишонурсиз. Ўз ҳаққини истаганларни қоронғу зинданлар билан ҳуркутмақ, қора ўлимлар билан кўркутмоқ истайсиз... йўқ... Ҳақни ҳақ деб таниган кишилар учун ўлимдан кўркмоқ, зиндандан ҳуркмак йўқдир. Бизни тамуғдан қоронуроқ ўринларда қамасангиз ҳам ҳинднинг қутулиш юлдизи кўзларимиздан йўқолмас. (Кумғонни олиб ичмоқчи бўлур, бирдан эсига бир нарса келган каби ўйлаб қолғандан кейин, узоқларга қараб сўйлар.)

Оҳ... Зулайҳо!.. Умид ҳулкари!.. Сенинг хаёлинг билан яшамоқ учун мана шундайин ер ости қамоқлари тейишдир. Тентак англизлар... мени йўлдан қайтаргали бу ўринга тиқмишлар! Сенинг қайгуларинг била дардлашурға бу ердан ўнғайроқ ўрин йўқдир. Шунинг учун бу ер зиндан эмас, умид боғидир.

Оҳ... Зулайҳо!.. Армон юлдузи, сени тушуниб турмоқ учун мана шундайин ер ости қамоқлари тейишдир. Тентак англизлар... мени йўлдан қайтаргали бу ўринга тиқмишлар! Сенинг қайгуларинг била дардлашурға бу ердан ўнғайроқ ўрин йўқдир. Шунинг учун бу ер қамоқ эмас, тинчлик учмохидир. (Сув ичмак учун қумғонни оғзига яқинлатғач, Зулайҳонинг хаёли узоқдан кўринур.)

Кел, севгилим, кел!.. Бу ерда сендан бошқа кимса йўқ... Бу ерда сендан бошқани истамаймен... кел!.. (Хаёл яқинлашмоқ истар.) Йўқ... келма... бу ерга кирма... бу ер англиз қамоғидир... Сенинг учун ярашмайдир... Сенинг юртинг бўлғани учун Ҳиндистон ўлкасини кирли англизлардан аритмоқ истаган мен ўзингни англиз зинданда кўрмак истамам.

(Хаёл кетар.) Кет... малагим, кет!.. Севги бутоғлари бўлған оёғларингни ўпган Ҳиндистон ерини тамуғ йилонлариға ўҳшаган англиз оёғларин остинда кўрмак меним учун уятдир, бунга кўнмам! У кирли оёқларни бу ўғури ердан чиқарғанча тиришамен.

Зиндан эшиги очилур. Сарвар билан зинданчи киарлар.

Сарвархон. (Киар-кирмас Нуриддиннинг қўлинда қумғонни кўриб, телбалик билан.) Сақла қўлингни, Нуриддин!

Нуриддин обдираб Сарвархонга қарап.

Нуриддинхон. Оҳ, ўртоғим, сени қаерға қамадилар?

Сарвархон (юғуриб келиб қумғонни Нуриддиндан олиб, ерга қўяр). Шу қумғондан сув ичдингми, йўқми?

Нуриддин (обдираган бир йўсинда). Йўқ, ичганим йўқ!
Сарвархон. Уҳ... Алҳамдулилоҳ.

Нуриддин. Нечун сўрадинг?

Сарвархон. Шу кун Шерхонни(нг) сенга ичирмоқ учун оғу олиб келганини онглаған эдим. Бундан бир соат бурун ёнингдан чиқиб кетганини бир киши сўйлади.

Нуриддинхон. Сени қаҷон чиқардилар?

Сарвархон. Мени бир ой қамагандан кейин қўйиб юборған эдилар. Мен сени кутқармоқ учун келдим.

Нуриддин. Меними?!

Сарвархон. Тингла! Ҳиндистон яшурин қўмитасининг Дехли ўрта ўйъбаси сени кутқарурға қарор берди. Сенинг каби юксак тушунчали бир юрт шоирининг ёвуз ёвlarнинг зинданларинда ётишинг қўмитамиз учун уятдир. Қўмита сени бу қоронгуликдан чиқарғали бор кучи билан тиришди. (Зинданчини қўрсатиб.) Мана шу кишининг кўнглини топиб, сени қочиурурға кўндириди. Бу киши сени шул чогда қочирғусидир. Ҳайда, ўртоғим, ерингдан кўп!

Нуриддинхон. Ҳозирми?

Сарвархон. Ҳозир.

Нуриддинхон. Фуломҳайдархонни неттилар?

Сарвархон. Ул киши етти кун ётиб чиқди.

Зинданчи. Хон соҳиб! Вақт ўтмагай, турингиз.

Нуриддинхон. (Катдан тушиб.) Бу ердан қочуб, қаерға борурмен?

Сарвархон. Тўғри Каримбахшхоннинг боғига борурмиз. Шунда сенинг учун ёширин бир уй тайёрланди.

Нуридинхон (улусга қараб, севинч билан). Қайгурмангиз, золим англиз остинда эзилғанлар, қоп-қоронғу кечангизнингда тонги бордур.

Чиқиб кетарлар.

Парда тушар.

БЕШИНЧИ ПАРДА

Кечкурун. Каримбахшоннинг уйи, эшиги сўл ёқда, бири сөғда. Иккиси қаршусида боғчага очилган уч деразаси бор. Уй электрик лампалари билан безанған, ўртада узун бир мосо, теграсинда ўн икки ўринидқ тизилган. Соғ ёқдағи теразанинг ёнида бир ўрин-дикда Нуридинхон ўтурган ҳолда ботиб турған күёшни томоша қиласалар.

Нуридинхон (ботиб турған күёшға). Бояқиши күёш! Кутинг ўчиш, қип-қизил олов чечаги бўлған юзинг куз япроқларидек сарғайиб қолмиш. Ниннидайин умид тонгларинда кула-кула чиққандан кейин, умидсизлиқ қоронғуси остинда сарғайиб ботишингни(нг), билтам, неchanчи дафъаси бўлди? Ер юзининг энг қоронғу пучмоқларинда инсонлар томониндан ишланған энг ёшурин қонли ўйинларнинг барҷасини очиб кўра олған сен; бир муаррих бўлса эдинг, буларнинг ҳаммасини олтун ёзғуч билан ёзар эдинг!..

Халқнинг ҳақсизлигдан устунлиги мангулик бир иш бўлса эди, сенинг ер юзиндағи хукуматинг оралиқсиз ва туганмас бўлар эди. Ҳолбуки, ўн икки соатдан кейин ўз таҳтингни қоронғулиқнинг оёқлари остиға ташлаб қоча турибсен. Ер юзининг хукуматини милийўн-милийўн йилдан бери қоронғулиқ билан улашиб олмоқға кўниб туришинг ҳақнинг-да, ҳақсизлиқнинг-да, мангулик устунликларига ишонғанлар учун қаттиқ бир таёқдир. Лекин, ким онглар?!

Зулайҳо бир ёндан кўринади. Секин-секин келиб, Нуридиннинг боши узра унинг ҳолига маҳтал бўлиб турар.

Чиқасен, курашасен, енгиласен, бир оздан кейин янгидан бош кўтариб, ер юзин ёритасен, зулмға қаршу курашганлар сендан сабоқ олсуналар. Қүёш бўйла чиқишлиар, енгиб-енгилишлар билан очунда бир нарсанинг мангулик бўлмаганин кўрсатиб турар экан, шунни билиб қўйки, менинг юрагимдаги олов Зулайҳонинг севгиси мангулиқдир! Сенинг бўйла чиқиб, ботишинг, унинг мангулик бўлғанин буза олмас. Негаки, сен ўзинг Зулайҳо чиқған ўринга этиша олмагансан. Оҳ, Зулайҳо... на гўзалсен!

Зулайҳо (ошиқ товуш билан). Нуридинхон! **Нуридинхон** (сесканиб турар). Оҳ... Сизми?.. Буюргиз.

Ўтиарлар.

Зулайҳо. Бу ерда ёлғизгина нималар тушуниб турасиз. **Нуридинхон**. Ҳеч!..

Зулайҳо. Кўёш биланми гаптуриша эдингиз?!

Нуридинхон (буюк бир юрак изтироби билан). Сизни кўрмагач, ундан бошқа ким билан гаплашай!

Зулайҳо. Шоирлик...

Нуридинхон. Ишқнинг энг яқин йўлдоши.

Зулайҳо. Юрак ёнгинининг алангаси, десак ҳам бўлур.

Нуридинхон. Шеърнинг нима эканлигини қўяхши биласиз.

Зулайҳо. Ишқни(нг) билғаним каби.

Бир-бирининг кўзларига ошиқона қаарлар.

Нуридинхон. Оҳ... Зулайҳо!..

Зулайҳо. Оҳ... Нуридин!..

Нуридинхон. Буюр!..

Зулайҳо. Кўкка боқ, қандай тиник!

Нуридинхон. Меним севишим каби.

Зулайҳо. Кел, ернинг бу булғаниқ ҳавосиндан ўзимизни қутқарайлик. Иккимиз қўлни-қўлга бериб учайлик, учайлик... Куёш эришмаган ўринларғача юксалайлик!..

Нуридинхон. Оҳ... саодат!..

Зулайҳо. Яратилмаган бир нарса!..

Нуридинхон. Сен билан уча билмак учун хаёл бўларға тейиш!.. Зулайҳо!.. Сен жонлар дунёсининг ер узра кўнған бир кўгарчинисен... Сен билан юксала олғали жон бўларға керак. Йўқ, Зулайҳо, сен билан юксалурға меним кучим етмас. Сен қол! Ер юзинда турайлик. Сенинг учун гўзал Ҳиндустонимизни тозартайлик. Малъун англизларнинг қонли оёқларини бу учмоҳ боғчасиндан чиқарайлик. Малак турған ерда шайтон юра олмағандек, сен юрган ерда англиз турған.

Зулайҳо. Оҳ... англизларни Ҳиндустондан чиқармоқ на гўзал бир сўз! Бироқ гўзалигича қийинлиғи ҳам бор! Икки-уч кишининг қўлидан келмас бир иш!

Нуридинхон. Икки-уч кишиими? Бугун Ҳиндустонда англизларга қаршу икки-уч милийўн киши бор. Тўғрисини айтганда, бутун Ҳиндустон улуси англизларни қувмоқ истайлар.

Зулайҳо. Хаёл...

Нуридинхон. Ҳақиқатнинг уруғидир!

Зулайҳо. Бутун Ҳинд улуси чин бир иймон билан англизларни қувмоқ истасайдилар, англизлар бу кунгача қувилған бўлар эдилар: негаки, очунда иймондан ёриту чироқ бир нарса йўқдир.

Нуридинхон. Зулайҳо! Ишонмайсен, қўмитамизнинг мана шу кечаги бўлғуси йигини сени ишонтирад.

Зулайҳо. Бу қечаги йигинимиз муҳимми?

Нуридинхон. Муҳим, деялар.

Сарвархон кирап.

Сарвархон. Кирсак бўлурми?

Нуридинхон. Зулайҳо (ўринларидан туриб). Буюрсинлар, хуш келдингиз. (Қўришурлар.) Ўтиргиз! (Ўтирурлар.)

Сарвархон. Қалайсиз? Эсонларми?

Зулайҳо. Яхшибиз.

Нуридинхон. Нелар бор?

Сарвархон. Тинчлик.

Нуридинхон. Янги бир нарса эшитмадингми?

Сарвархон. Ҳукуматнинг турмасидан қочғанинг учун сенинг ўлимингни буюрмишлар.

Нуридинхон. Ўзларининг-да ўлим ҷоғлари етишган!

Сарвархон. Қўмита аъзолари келмайларми?

Нуридинхон. Мана биз уч киши бўлдик. Қолганлар-да келгусидирлар (эшикка қараб). Мана, келалар.

Қўмита раиси салом бериб келар. Қўришиб барчалари мосо теграсинда ўтираплар.

Раис. Ҳукуматимизнинг тебранишлари ёмон!

Нуридинхон. Сўнг нафас тебранишлари шундай бўладур.

Раис. Сенга қаршу буйруқлари...

Нуридинхон. Уларға қаршу буйруғим каби...

Яна бир аъзо салом бериб кирап ва мосо ёнинда ўтирап.

Бир аъзо. Шу эрта осилған уч кишининг ҳоллари бўтун ҳалқнинг қонини қайнатди.

Нуридинхон. Нима? Янами уч кишини осдилар?

Раис. Ха! Уч кишини ҳинд ёширин қўмитаси аъзоси деб осдилар.

Нуридинхон. Қайси шўбанинг аъзосиндан эканлар?

Раис. Ким биладир?!

Нуридинхон. Ҳон, сўз ола билмишларми, йўқми?

Раис. Қўб қийин қийнамишлар, сихларни қизартиб кўзларига тиқмишлар.

Зулайҳо. Оҳ, ёвузлар!

Раис. Бироқ сўз ола билмамишлар, энг сўнг ўзларини чиқариб осмишлар.

Яна бир аъзо келиб ўтирап.

Аъзолардан бири. Кўбчилик келдилар. Мажлисни очсан-да бўлар.

Раис. Бир оз кутамиз.

Каримбахшон келар, салом бериб ўтирап.

Каримбахшон. Баримиз келдикми?

Раис. Келдик. Эмди мажлисни очамиз. (Ҳамма ҳозир бўлалар.) Орқадошлар! Бутун йўлдошларимиз келдилар. Мажлисни очамен. (Йигин ёзғучиси бўлған Сарвархон ёза бошлар.) Бу кунти ишимиз Бутун ҳинд инқилоб қўмитасининг Деҳли ўрта шўбаси томонидан келган умумий буйруқни кўриб, тегишли чораларга киришмақдир. Буйруқни ўқияйин:

«Бутун ҳинд инқилоб қўмитаси томонидан Деҳли ўрта шўбаси орқали бутун шўъбаларға.

Йўлдошлар! Бугунгача англизларни Ҳиндустондан чиқармоқ учун қўмитамиз томонидан очиқ-яширин йўллар билан кўрилган ишлар натижасиз қолди. Англиз қонли тирноғи юрту улусимиз юрагинда очдиги яралар кенгайиб кетмақдадир. Қизларимизнинг пардасизланиши, пардаларимизнинг йиртилиши, виждонларимизнинг эзилиши, қонларимизнинг тўкилиши етар эмди¹⁸.

Тўрт юз милйўни бир улуғ улусининг тулки қиликли ўн минг англиз мъмурига кўл бўлиб туриши мияларга сифас бир иштирек. Бу қизиқ ишни кўрган тарихнинг даҳи бизнинг инсон бўлғанимизга ишонғуси келмайдир. Қўмитамиз улуғ ҳинд улусининг манглайндан бу кирли тамғани ювиб ташларга қарор берди.

Эшитғучилар бир-бирига қараб севинч белгилари кўрсатарлар.

Қўмитамиз бир-икки бўмба ташламоқ, икки-уч генерал ўлдирмоқ, Оврупанинг қайси бир ҳукуматига ёлбормоқ каби кичкина ишларни улуғ ҳинд эрки учун етарли кўрмайдир.

Эшитғучиларда севинч белгилари.

Улуғ ҳинд улуси ўз юртини қутқармоқчи экан, барчаси бирдан тўлқинли бир чиқиш қилсин. Ёқсин, ёқилсин, йиксин, йиқилсин, ўлдирсин ва ўлсин. Гўзал юртимиз англизлар қўлинда қолар экан, тўрт юз милийн улусимизнинг жонсиз ва қонли гавдалари билан қолсин.

Эшитучиларда севинч.

Кўмитамиз бутун Ҳиндустонда апрел ойининг йигирма еттисинда бир кунлик чиқиш ясамоққа қарор берди. Шу куннинг кечасинда Ҳиндустоннинг ҳар бир катта шаҳарининг икки-уч еринда бўмбалар портлар. Бўмба товуши чиққач, бутун инқилобчи қардошларимиз яроқларини олиб, кўчага чиқсанлар. Англизлар ва англизларга қўйруқ бўлған бошқаларни ўлдираберсинар. Эрк ё ўлим!

Сарвархон (сўз олиб). Орқадошлар! Кўмитамизнинг бу гўзал қарорини виждан ёзғучи билан жон бетинда ёзармиз. Биз, инқилобчилар...

Шу чоғда ташқаридан бир тўппонча товуши чиқар: аъзолар обдираб қолалар. Бир оздан кейин яна бир тўппонча товуши чиқар.

Раис (қўрқуёвсизча). Орқадошлар! Бизни босарлар. Со-вуқёнли бўлингиз. Тўппончаларингизни чиқарингиз, келганларга қаршу турамиз. Ўламиз-да, берилмаймиз. Биз ўлсак, кўмитанинг ишлари очилмай қолар. Биз кўлга тушсак, кўмитанинг асрорини биздан оларга тиришарлар.

Аъзолар тўппончаларини чиқариб, ўқларини кўрарлар.

Раис (кўмитанинг буйругини йиртиб, икки-уч кишига улашиб берар). Ютингиз буларни!

Аъзолар олғандарини ютарлар, яна бир тўппончада товуш яқиндан чиқар. Зайнаб телба бўлиб қичқирав, «вой... ўлдим» деб, югуриб кирав. Аъзолар кўркув кўрсатмай турарлар.

Раис. Нима бўлди?

Зайнаб. Пўлислар босдилар, бунда келдилар...

Раис. Бу теразадан чиқиб қочингиз.

Зайнаб теразадан қочар.

Раис (Зулайҳога.) Зулайҳо хоним, сизнинг-да қочишинизни ўтинаман.

Зулайҳо. Мен қўмита аъзосиданмен.

Раис. Ҳозир бўлингиз, орқадошлар!

Раҳматуллоҳон билан бир англиз ўзбоси си киравлар. Нуриддин бўшатган тўппончаси билан бир англиз юзбошчиси «воҳ» деб йиқилар. Раҳматуллоҳон қочар. Ташқаридан ғавғо чиқар. Яна Шерхон билан икки пўлис киравлар. Икки аъзонинг отган тўппончасидан Шерхон билан бир пўлис йиқиларлар. Бириси қочар. Ташқарida ғавғо кўпаяр. Буюрувчи бир товуш чиқар.

То в уш . Богчадаги теразалардан юрингиз!

Нуриддин хон . Оҳ... юртини сотган олчоқ!

Раис . Телба бўлмангиз, орқадошлар! Икки киши бир эшикка қараб турсин.

Аъзолар икки кишидан бўлиб, эшик ва тераза ёнларига тизилурлар. Уч пўлис ўзларини теразалардан ичкарига ташлаб, тўпкончаларини бўшатурлар. Каримбахшон билан икки аъзо «воҳ» деб йиқилурлар. Яна уч пўлис теразадан ичкарига кириб, тўпкончаларини бўшатурлар. Раис, аъзо йиқилур. Ичкаридагиларнинг тўпкончалари билан буларда йиқилурлар.

Раис (йиқилар экан). Орқадошлар! Сўнг сўзимни унумангиз... ўлингиз-да... берилмангиз... (Йиқилар.)

Яна тўрт пўлис ичкарига кириб, тўпкончаларини бўшатурлар. Нуриддин «воҳ» деб йиқилар. Зулайҳо «Оҳ Нуриддин, мени олиб кет» деб, ўзини Нуриддин узра ташлар. Сарвархон бир пўлисни урар, иккинчиси Сарвархонни урар. Ташқаридан уч пўлис, бир юз-да билан Раҳматуллоҳон босиб киравлар.

Юзбоши . Битдингизми?! Давлат хоинлари!

Зулайҳо . Йўқ битмадик, яна биримиз бор. (Тўппончасини бўшатур, ўқ юзбошига тегмасдан ўтар.)

Юзбоши (пўлисларга). Тутингиз буни.

Пўлислар тутмоқчи бўларлар.

Раҳматуллоҳон (Зулайҳога ёнишиб, юзбошига). Йўқ... ўтинамен, бунга ишингиз бўлмагай. Бу менинг севгилимдир.

Юзбоши (қизиб). Нима?.. Кўмитачи хотунми сенинг севгилинг? (Тўппончасини бўшатиб.) Ол, бу-да сеники.

Раҳматуллоҳон «воҳ» деб йиқилар.

Зулайҳо . Юртини сотган олчоқ! Энг сўнг ўзинг-да кетдинг!

Пўлислар Зулайҳони тутарлар.

Юзбоши . Чиқарингиз буни, қолған йўлдошларини топиб берар.

Пўлислар Зулайҳони итариб чиқарарлар.

Зулайҳо . (Чиқар экан.) Менданми сўз олмоқчисиз?! Йиртқичлар!.. (Чиқар экан, Нуриддиннинг жонсиз ётған гавдасига қалин бир мунг билан қарар.) Оҳ, Нуриддин... (Ўзини Нуриддин устига ташламоқчи бўлар, пўлислар қўймасдан суриб чиқарурлар.)

Парда тушар.

Сўнг .